

Inatsisartut suleriaasiat § 33 naapertorlugu Inatsisinut Ataatsimiititaliami ilaasortat matumuuna aalajangiiffigisassatut siunnersuut saqqummiuppaat:

Inatsisartut Ombudsmandiata 2015-imut ukiumoortumik nalunaarutaata Inatsisartunit tusaatissatut tiguneqarnissaanik Inatsisartut aalajangiiffigisassaattut siunnersut.

(Inatsisinut Ataatsimiititaliaq: Inatsisinut Ataatsimiititaliap Siulittaasua Anders Olsen, Siumut, Michael Rosing, Siulittaasup tullia, Demokraatit, Laura Tàunâjik, Siumut, Iddimangiiu Bianco, Inuit Ataqatigiit, Debora Kleist, Inuit Ataqatigiit)

Tunngavilersuut:

Allaffissornikkut aqutsinerup inatsisini sinaakkusiussat iluanni kiisalu ingerlatsivinni inatsisitigut malitarisassat iluini ingerlanneqarnissaa pillugu Inatsisartut inatsisiliortutut Ombudsmandi nakkutilliisussatut suliaqarnissaanik pisussaaffilerpaat. Taamaalilluni Ombudsmandi Inatsisartut Naalackersuisunik nakkutilliinerannut sakkuuvoq, kisiannili aamma nunap innuttaasa eqqartuussiveqarnikkut illersugaanissaannut qulakkeerinnittuulluni. Ombudsmandi taamaalilluni tassaavoq *Inatsisartut innuttaasullu* ataatsimut Ombudsmandiat.

Inatsisartut Ombudsmandiat ukiut tamaasa Inatsisartunut nalunaarusiortarpoq, tassa ukiumi qaangiuttumi Ombudsmandip suliarisarsimasani nalunaarusiaralugit.

Ombudsmandip 2015-mut ukiumoortumik nalunaarusiaani – maannamut pisarnertut – suliat arlallit malittarisassatut tunngavimmi namminerimi imaluunniit malittarisassat allaffissuutigineranni kukkunerit amigaatillu nalunaarutigineqarsimasut ilanngunneqarsimapput.

Ukiuni kingullerni Ukiumoortumik Nalunaarutit aamma, ajornartorsiutit minnerunngitsumik oqartussaasunut Inatsisartunullu soqutiginaateqartut pillugit, allaaserisanik ataasiakkaanik imaqartarsimapput.

Taamaalilluni innutaasut piginnaatitaaffitsigut isumannaatsuutinnissaat pisortatullu oqartussat suliassaminnik suliarinnittarnissaat nukittorsartuarneqaqqullugu anguniagaqarnitsinni ukiumoortumik nalunaarusiaq sakkutut ikiuutitullu atorneqarsinnaavoq.

Ataatsimiinnermi tassani Inatsisartut Ombudsmandiata ukiumoortumik nalunaarusiaata imarisaasa ilai ataatsimiititaliamut immikkut soqutiginaatillit ataatsimiititaliamut paasissutissiissutigineqarput.

Inatsisinut Ataatsimiititaliap maluginiarpaa Ombudsmandi Sulisilluni Ajoqusernerit pillugit Sullissivik, Meeqqat Illersuisuat kiisalu Inatsisitigut Siunnersuisarfik Namminersortuutitaq IKIU peqatigalugit nunatta avannaani illoqarfinnut marlunnut nuaqarfinnullu 17-inut tikeraarsimasoq. Angalanerup, angallammut ilaalluni ingerlanneqarsimasup ullunilu aqqanilinni sivisussuseqarsimasup, nunatta avannaani innuttaasunut amerlanerusunut naammagittaalliuteqarsinnaaneq pillugu ilitersuussinissaanut Ombudsmandi periarfissippaa, taamatullu Ombudsmandeqarfik, innuttaasullu naammagittaalliuteqarsinnaanermut periarfissaat

saqquminerulersillugit.

Inatsisinutaaq Ataatsimiititaliap maluginiarpaa Ombudsmandi 2015-imi paaqqinnittarfinnut pingasunut nakkutilliiartorsimasoq. Ombudsmandip 2012-imi paaqqinnittarfinnik nakkutilliiartoqqaarneraniit nakkutilliiartorerit amerliartorsimapput. (2013-imi ataasiarluni nakkutilliiartorsimavoq 2014-imilu marloriarluni).

Inatsisinut Ataatsimiititaliap isumaqatigiittup taamatut oqaaseqarluni Inatsisartut Ombudsmandiata 2015-imut nalunaarutaa pillugu siunnersuut Inatsisartunit tusaatissatut tiguneqartussanngorlugu saqqummiuppaa.

Ilanngulluguttaaq Inatsisartut Ombudsmandiat 2015-imi suliaanut Inatsisinut Ataatsimiititaliap qujassuteqassaaq.